

24/07/2001

(Malaysia berharap perubahan pucuk ... )

MALAYSIA berharap perubahan pucuk pimpinan di Indonesia akan membawa kebaikan kepada rakyat republik itu.

Perdana Menteri, Datuk Seri Dr Mahathir Mohamad, berkata perubahan yang berlaku di republik itu adalah hak rakyat Indonesia sendiri mengikut undang-undang mereka.

"Itu masalah Indonesia dan kita harap apa yang mereka lakukan akan membawa kebaikan bagi Indonesia. Keputusan itu adalah hak orang Indonesia sendiri mengikut undang-undang mereka," katanya selepas melancarkan kempen 'Wanita Membanteras Keganasan' di Kuala Lumpur, petang semalam.

Mengenai hubungan Malaysia-Indonesia di bawah Presiden Megawati Sukarnoputri, Dr Mahathir berkata: "Kita ada hubungan dengan kerajaan yang diiktiraf sebagai kerajaan Indonesia. Kita tidak menentukan mana satu yang kita iktiraf."

Bagaimanapun, beliau melahirkan kebimbangan mengenai keganasan yang berlaku di Indonesia dan berharap ia dapat dibendung sebaik mungkin.

(END)